

Namo tassa bhagavato arahato sammāsambuddhassa

Suttavandanā

1. Dhammattha desanā vedha,
Catugambhīra duddasaṃ;
Dhammaṃ lokassa desentaṃ,
Dhammarājaṃ namāmaṃ;
2. Buddho paccekabuddho ca,
Arahā cakkavattīti;
Thūpāthūpārahaṃ vande,
Catuthūpārahesu taṃ;
3. Petaseyyo kāmabhogī,
Sīhaseyyo tathāgato;
Sayantaṃ catuseyyesu,
Catutthena name jinaṃ;
4. Aṇḍajā jalābujā ca;
Saṃsedajo papātikā;
Catuyoni pariccheda,
Ñāṇavantaṃ name jinaṃ;
5. Sutabuddhonubuddho ca,
Pacceko jinabuddhoti;
Catutthaṃ catubuddhesu,
Vandāmi lokanāyakaṃ;
6. Rāhuggaṃ attabhāgīnaṃ,
Mandhātā kāmabhogīnaṃ;
Māro adhipateyyānaṃ,
Buddho loke sadevake;
Catuagga paññattīnaṃ,
Aggapattaṃ name jinaṃ.
7. Dānaṃ piyakathā attha,
Cariyā sadisattatā;
Catusaṅgaha vatthūhi,
Asaṅkhiyesu jātisu;
Lokassa saṅgahetāraṃ,
Vandāmi lokanāyakaṃ;
8. Lobho doso ca mohoti,
Anto paccatthike tayo;
Dujjaye sabbaverīhi,
Saṅgītaṃpi sudhiṃ name;
9. Jāti puñña mahattāni,
Guṇamahattamuttamaṃ;
Timahatthehi sampannaṃ,
Vandāmi lokanāyakaṃ;
10. Hetu phala sampadāyo,
Sattupakārasampadā;

- Tisampadāhi sampannaṃ,
Vandāmi lokanāyakaṃ.
11. Ñāṇappahānānubhāva,
Surūpakārasampadā;
Catuphala sampadāhi,
Taṃ sampannaṃ name jinaṃ.
 12. Āsayo ca payogoti,
Sattupakāra sampadā;
Duvidhā yassa sampannā,
Sammā maṃ pātu so jino.
 13. Mahosadhe vessantare,
Pacchimabhavike tathā;
Tijātīsu name vācaṃ,
Bhāsentaṃ jāyanakkhaṇe.
 14. Nemimhi sādhiṇe ceva,
Mandhātari ca guttile;
Catūsu manujattena,
Devalokaṃ gataṃ name.
 15. Saṅkhāro rūpavikāro,
Lakkhaṇaṃ vānanissaṭṭaṃ;
Nibbānaṃ paññatticeti,
Pañca ñeyyantagaṃ name.
 16. Putta dāra pariccāgā,
Rajjaṅgaṃ jīva cāgīti;
Pañca mahāpariccāge,
Karaṃ sudukkare name.
 17. Rūpañca vedanā saññā,
Saṅkhārā viññāṇantime;
Pañcakkhandhe parijānaṃ,
Tipariññāhi taṃ name.
 18. Manussa deva gatiyo,
Peto ca nirayo tathā;
Tiracchānoti pañcetaṃ,
Chindantaṃ gatiyo name;
 19. Devaputto kilesa ca,
Abhisāṅkhāra māraṅko;
Khandho maccūti pañcete,
Māre vijitavaṃ name.
 20. Purebhattaṃ pacchābhattaṃ,
Purimañceva majjhimaṃ;
Pacchimanti sadā pañca,
Buddhakiccaṃ karaṃ name.
 21. Rūpā saddā gandhā rasā,
Phoṭṭhabbā ca manoramā;

- Pañca kāmagaṇe hitvā,
Kheḷaṃva niggataṃ name.
22. Rāgasallaṃ dosasallaṃ,
Mohā māno ca diṭṭhīti;
Vande vajjātivajjantaṃ,
Pañcasallapanūdanaṃ.
23. Dīgho majjhima saṃyuttā,
Aṅguttaro ca khuddako;
Iti pañca nikāyehi,
Suvinentaṃ pajaṃ name.
24. Issariyaṃ yaso dhammo,
Kāmo sirī payattīti;
Bhagyeḥi chahi sampannaṃ,
Vandāmi lokanāyakaṃ.
25. Piyāpiyaṃ bhūtābhūtā,
Atthānatthaṃ yathārahaṃ;
Missā chasu suvācaṃva,
Bhāsantaṃ atthakaṃ name.
26. Alaso ca pamādo ca,
Anuṭṭhānaṃ asaṃyamo;
Niddā tantīti chiddehi,
Chahi muttaṃ sadā name.
27. Mahākaruṇāsamāpatti,
Yamakappāṭihāriyaṃ;
Āsayānusaye ñāṇaṃ,
Indriyāna paropare;
Sabbaññūtā nāvarenaṃ,
Chā sādharmaṇikaṃ name.
28. Kāmacchando ca byāpādo,
Thinamiddhañca saṃsayo;
Avijjuddhacca kukkuccaṃ,
Chavinīvaraṇaṃ name.
29. Iddhividhaṃ dibbasotaṃ,
Paracitta vijānaṇā;
Pubbenivāsānussati,
Dibbacakkhāsavakkhayo;
Chaḷabhiññāhi sampannaṃ,
Vandāmi purisuttamaṃ.
30. Nīla pītā ca odātā,
Mañjīṭṭhā ca pabhassarā;
Lohitāti cha raṃsīhī,
Vijjotantaṃ sadā name.
31. Assādādīnavo ceva,
Nissaraṇaphalaṃ tathā;
Upāyānattīti chadhā,

Saddhammadesakaṃ name.

32. Rāgo doso ca moho ca,
Vitakkacariyā tathā;
Saddhā buddhīti bhājentam,
Tā chaḷecariyā name.
33. Rajatam kanakam muttā,
Maṇi veḷuriyāni ca;
Vajiraṇca pavāḷanti,
Seṭṭhi sattadhano viya.
34. Saddhāsīlam sutamcāgo,
Hirī ottappiyam dhanam,
Paññāadhananti sambuddham,
Vande sattamahāadhanam.
35. Cakkam hatthi asso maṇi,
Gahapatitthiyo tathā;
Supariṇāyakocāti,
Sattaratano cakkavattīva.
36. Sati dhammavicayo ca,
Tatheva vīriyam pīti;
Passaddhi samādupekkhā,
Saddhamma cakkavattikam;
Satta bojjhaṅgaratanam,
Namāmi purisuttamam.
37. Yugandharo īsadharo,
Karavīko sudassano;
Nemindharo vinatako,
Assakaṇṇo mahānage;
Sattete hattharūpaṃva,
Sampassantam jīnam name.
38. Kaṇṇamuṇḍo anotatto,
Kuṇālo rathakārako;
Sīhappapāta chaddantā,
Mandākinī mahāsare;
Sattete sabbathā passam,
Diṭṭheva pātikam name.
39. Manussattam liṅgasampatti,
Hetu satthāradassanam;
Pabbajjā guṇasampatti,
Adhikāro ca chandatā;
Aṭṭhadhamma samodhānā,
Bhinīhārantagum name.
40. Visaṭṭham mañju viññeyyam,
Savanīyāvisāriṇā;
Gambhīro binduninnādo,
Aṭṭhaṅgikasaram name.

41. Cattāri rūpajhānāni,
Tathevārūpajhānāni;
Tā samāpattiyo aṭṭha,
Sevantaṃ ruciyā name.
42. Aṇimā laṅghimā kammaṃ,
Mahimā pattimā tathā;
Īsitā vasitā ceva,
Yatthakāmāvasāyitā;
Aṭṭhissariya puṇṇattā,
Issarātissaraṃ name.
43. Manomayiddhiñāṇaṅca,
Chaḷabhiññā vipassanā;
Aṭṭhavijjāhi sampannaṃ,
Vande tilokaketukaṃ.
44. Jāti jarā rujā kālo,
Caturāpāyadukkhāti;
Aṭṭha saṃvegavatthūni,
Bhāsantaṃ vividhaṃ name.
45. Suttaṅgaṃ veyyākaraṇaṃ,
Geyyaṃ gāthā ca jātakam;
Abbhūtadhamma vedallā,
Udānamiti vuttakaṃ;
Navaṅgaṃ sabbalokassa,
Dadantaṃ sāsaṇaṃ name.
46. Yā samāpattiyo aṭṭha,
Nirodho cāti te nava,
Anupubbavihāre taṃ,
Sevantaṃ ruciyā name.
47. Ekattañceva nānattaṃ,
Kāyasaññīhi yogato,
Cattāro tathāruppā ca,
Asaññicāti te nava,
Sattavāse vibhajitvā,
Pakāsentaṃ name jinaṃ.
48. Seyyassa sadiso seyyo,
Hīnoti tividho vidho,
Tathā sadisahīnānaṃ,
Navavidhe nudaṃ name.
49. Anattaṃ me carati ca,
Tathā cari carissati,
Mittassa arinotvatthaṃ,
Navāghāte jahaṃ name.
50. Dānaṃ sīlaṅca nikkhamaṃ,
Paññā vīriyapañcamam,
Khantī saccamadhiṭṭhānaṃ,
Mettupekkhāti tādasa,
Pūretvā pāramī vande,

Sammāsambodhimajjhavaṃ;

51. Kāḷāvakaṅca gaṅgeyyaṃ,
Paṇḍaraṃ tamba piṅgalaṃ,
Gandha maṅgala hemaṅca,
Uposatha chaddantime.
52. Dhāreti dasaposānaṃ,
Nāgo kāḷāvako balaṃ;
Sahassakoṭṭiposānaṃ;
Chaddantovāranuttamo.
53. Dasa saḥassakoṭṭīnaṃ,
Posānaṃ baladhāraṇaṃ;
Chaddantānaṃ dasannaṅca,
Dasakāyabalaṃ name.
54. Ṭhānāṭṭhāne vipāke ca,
Magge sabbatthagāminaṃ;
Nānādhātūsu lokesu,
Adhimuttimhi pāṇinaṃ;
55. Paropariyatte ñāṇaṃ,
Indriyānaṅca pāṇinaṃ;
Jhānādīsu ñāṇaṃ pubbe,
Nivāse dibbacakkhu ca;
Āsavakkhayañāṇanti,
Dasabalañāṇaṃ name.
56. Mūlagandho sāro pheggu,
Taco papaṭṭiko raso;
Pattaṃ pupphaṃ phalaṅceva,
Gandhagandhoti saṃvaraṃ;
Sugandhaṃ dasagandhehi,
Vilimpantaṃ sadā name.
57. Samādhī ñāṇavipphārā,
Adhiṭṭhānaṃ vikubbanā;
Manomayāriyā iddhi,
Tathā kammavipākajā.
58. Vijjāmayā puñṇavato;
Payoga paccayiddhiti;
Aggapatta dasiddhīnaṃ,
Pāṭiheraṃ karaṃ name.
59. Muttā maṇi veḷuriyaṃ,
Saṅkho sallo pavāḷakaṃ;
Suvaṇṇaṃ rajataṃ lohi,
Taṅko masāragallanti;
Dasadhā ratanehiggaṃ,
Bhogiṃ pañṇāmaṇiṃ name.
60. Sithilaṃ dhanitaṃ dīghaṃ,
Rassaṅca garukaṃ lahu;

Niggahitaṃ vimuttañca,
Sambandhañca vavatthitaṃ;
Vivarantaṃ name dhammaṃ,
Dasabyañjanabheditaṃ.

61. Pasādojo madhuratā,
Samatā sukhumālatā;
Silesodāratā kanti,
Atthabyatti samādhayo;
Dasa saddaḡuṇopetaṃ,
Dhammaṃ pātu karaṃ name.
62. Lobho doso moho māno,
Uddhaccaṃ diṭṭhi saṃsayo;
Ahirikamanottappaṃ,
Thinanti sabba dāhake;
Kilese dasa te saddhiṃ,
Vāsānāya jahaṃ name.
63. Saterā daṇḍamaṇikā,
Macchavilolagaggarā;
Sukkhāsani kapisisā,
Vicakkā sañña kukkuṭā;
Navāsanihi phālentāṃ,
Tibbaṃ paññāsanīṃ name.
64. Rodanā kodhāvudho ca,
Ujjhantissariyaṃ tathā;
Paṭisaṅkhānaṃ,
Khanti aṭṭhabalesu taṃ;
Pathavīsadisāṃ vande,
Aṭṭhamena vināyakaṃ.
65. Kāmarogo ca paṭigho,
Māno diṭṭhi ca saṃsayo;
Bhavarāgo avijjāti,
Sattānusayinaṃ name.
66. Titthiyāpakatimahāsāvakā,
Aggasāvakā paccekabuddhasambuddhā;
Visiṭṭhaṃ sabbathā chasu,
Pubbe nivāsa viññūsu;
Tilokamakuṭaṃ name.
67. Buddhacakkhu samantā ca,
Ñāṇaṃ yaṃ dibbacakkhu ca;
Dhammoti pañca cakkhūhi,
Dassāviṃ mārajiṃ name.
68. Khuddakā khaṇikā okkantikā ca,
Pharaṇā tathā ubbegā;
Pañca pīṭhi pinentaṃ,
Ruciyā ca namāmaṃ.
69. Dukkhaṃ samudayasaccaṃ,

- Nirodho maggasaccakam;
Catusaccamabhijānam,
Catukiccehi taṃ name.
70. Pīlanā saṅkhatattho ca,
Tapo vipariṇāmanā;
Dukkhasaccam catukkehi,
Vibhattāviṃ muniṃ name.
71. Āyūhanam nidānañca,
Saṃyogo palibodhanam;
Catukkehi samudayam,
Vibhattāviṃ muniṃ name.
72. Nissaraṇaṇca viveko,
Asaṅkhatāmatam tathā;
Nirodhañca catukkehi,
Vibhattāviṃ muniṃ name.
73. Niyyāniko ca hetvattho,
Dassanādhipateyyakam;
Maggasaccam catukkehi,
Vibhattāviṃ muniṃ name.
74. Satthako ca asammoho,
Sappāyo ceva gocaro;
Catusampajaññā vinā,
Bhāviṃ name tathāgatam.
75. Pahinākhila dukkhāham,
Bhavasāgara pāragum;
Vande sāraguṇopetam,
Tenamhi bhavapārago.
76. Rūpārūpavilāsagga,
Rūpācinteyya saṃyuttam;
Vande sāraguṇopetam,
Tenamhātularūpavā.
77. Iddhi iddhi vilāsagga,
Iddhi cinteyya saṃyuttam;
Vande sāraguṇepetam,
Tenamhā tulaiddhimā.
78. Vācā vācā vilāsagga,
Vācā cinteyya saṃyuttam;
Vande sāraguṇopetam,
Tenamhā tulavācako.
79. Ñāṇa ñāṇa vilāsagga,
Ñāṇācinteyya saṃyuttam;
Vande sāraguṇopetam,
Tenamhā tulaññāvā.
80. Sajjham hemañca ratanam,

- Gehaṃ vatthañca bhojanaṃ;
Tadaññepi yathācittaṃ,
Māpeyyāhaṃ name jinaṃ.
81. Sajjhaṃ hemañca ratanaṃ,
Gehaṃ vatthañca bhojanaṃ;
Tadaññepi yathācittaṃ,
Māpeyyaṃ kammajiddhiyā.
82. Sattabojjhaṅga ratano,
Saddhādiratano muni;
Satippabhutiratano,
Vande taṃ purisuttamaṃ.
83. Cakkādisattaratanāṃ,
Muttādiratanāṃ subhaṃ;
Vatthappabhutiratanaṃ,
Chandakkhaṇe labhāmahaṃ.
84. Sampuññacittasāṅkappo,
Yathākaṅkhitamāpako,
Kenacinabhībhūto yo,
Sabbābhībhū name jinaṃ.
85. Sampuññacittasāṅkappo,
Yathākaṅkhitamāpako,
Kenacinabhībhūtami,
Sabbābhībhū bhava bhava.
86. Dasa chaddantarājāva,
Dasa kāyabalo muni;
Dasa ñāṇabbalotulyo,
Vande taṃ samañuttamaṃ.
87. Atikāyajavo buddho,
Raññājavanahaṃsato;
Kā kathā ñāṇavegassa,
Vande taṃ samañuttamaṃ.
88. Chaddantanāgarājāva,
Bhava bhava mahabbalo;
Rājājavanahaṃsova,
Paramaggajavo bhava.
89. Udakā kāsacārī ca,
Mahinimujjako jino;
Māpako ca yathā cittaṃ,
Vande taṃ ñeyyapāraguṃ.
90. Udakā kāsacārī ca,
Mahinimujjako bhava;
Māpako ca yathācittaṃ,
Bhavasō kammajiddhiyā.
91. Gāme vane ca sabbattha,

- Devehi manussehi ca;
 Ābhatānantalābhassa,
 Sadā yassa mahesino;
 Pattalābhaggataṃ lokam,
 Taṃ vande munipuṅgavaṃ.
92. Gāme vane ca sabbattha,
 Devehi manussehi ca;
 Ābhatā nantalābho me,
 Sadā hotu bhavābhava.
93. Puññassimassa tejena,
 Yathā cittaṃ samijjhatu;
 Sabbicchā sabbacintā ca,
 Khippaṃ me jātijātiyaṃ.
94. Natthīti vacanaṃ dukkhaṃ,
 Dehīti vacanaṃ tathā;
 Tasmā natthīti dehīti,
 Mā me hotu bhavābhava.
95. Sabbam paravasam dukkhaṃ,
 Sabbamissariyaṃ sukhaṃ;
 Sabbam paravasamatthu,
 Sabbamissariyaṃ bhava.
96. Vitakkento bhajjakāyo,
 Sabbāvudha vāraṇo ca;
 Chaddanta vāraṇabalo,
 Bhaveyyaṃ jātijā tiyaṃ.
97. Subhalakkhaṇasampanno,
 Suvaṇṇavaṇṇavā bhava;
 Brahmassaro karavika,
 Bhāṇī ca jātijātiyaṃ.
98. Bhūrimapañño sippānaṃ,
 Sabbesaṃ kusalo bhava;
 Visajjetuṃ samatthova,
 Sabbapucchānaṃ ṭhānaso.
99. Verādhaṃsīya bhogā ca,
 Anantākhīṇa bhogavā;
 Anantābhajja parisō,
 Bhavaso pāpuṇe sivaṃ.
100. Mā nasseyyaṃ pasayheyyaṃ,
 Ussukkehi pyahaṃ saha;
 Pañcaverehi koṭṭhi,
 Bhaṇḍaṃ vā akātukāmitaṃ.
101. Meghaṃ vātañca ratanaṃ,
 Dhaññaṃ vatthañca bhojanaṃ;
 Sabbicchitaṃ tadaññaṃpi,
 Māpeyyaṃ kammajiddhiyā.

102. Puññenetena nibbānaṃ,
Santamaṃ pappomi tāvatā;
Bhaveyyamaṃ sabbajātīsu,
Catusampattiyā sadā;
Catucakkena sampanno,
Saddhammehi ca sattahi.
103. Sammādiṭṭhi vasupete,
Kulamhi seṭṭhasammate,
Sabbasakkata saṃsuddhe;
Bhave tihetusandhiko.
104. Ghāsacchādanaṃ bhogañca,
Neva hatthena kātuna,
Bhuñjeyyamiddhiyātveva,
Māpetvā yāvadatthakaṃ.
105. Manussānaṃ atikkamma,
Devānaṃ viya bhojanaṃ,
Vatthamaṃ bhogo ca me hontu,
Parivārātisundarā.
106. Dasāsuttaṃpi me bhogaṃ,
Pañcaverā bhava bhava;
Māgaṇheyyuñca nasseyyumaṃ,
Asoko bhogahetume.
107. Sabbaṅgasubha sampanno,
Siṅgīnikkha savaṇṇa vā;
Bāttimsa lakkhaṇūpeto,
Atappana rūpa vā bhava.
108. Kāyo candanagandho ca,
Mukhamaṃ uppalaḡandhikaṃ;
Aṭṭhaṅgiko karavika,
Mañjūghoso ca me hotu.
109. Tikkha gambhīra pañño ca,
Hāsātijavapaññavā,
Bhūri nibbedha pañño ca;
Sabbapañhavisajjano.
111. Anto soḷasavassassa,
Tipeṭakadharo bhava;
Sabbakammesu sippesu,
Vijjāṭhānesu pāragū.